

## PROGRAM MOTIVASI DAN KEMAHIRAN BELAJAR TAHUN 6

SEKOLAH KEBANGSAAN JENERI, JENIANG KEDAH DARUL AMAN



HEP ONLINE - Pada 20 Februari 2011, **Pusat Kaunseling, Jabatan Hal Ehwal Pelajar** telah menjalankan satu program **Motivasi dan Kemahiran Belajar Tahun 6** yang bertempat di **Sekolah Kebangsaan Jeneri Jeniang Kedah Darul Aman**. Program ini adalah salah satu khidmat komuniti oleh Pembimbing Rakan Siswa, Pusat Kaunseling, Jabatan Hal Ehwal Pelajar Universiti Utara Malaysia dan pihak Sekolah Kebangsaan Jeneri Jeniang Kedah. Program ini melibatkan seramai **10 orang pelajar** dan seramai **10 orang fasilitator** yang terdiri daripada **9 orang Pembimbing Rakan Siswa Universiti Utara Malaysia** dan **1 orang Pegawai Psikologi daripada Pusat Kaunseling dan Kerjaya Hal Ehwal Pelajar UUM**. Program ini adalah bertujuan untuk membantu memberikan motivasi dan rangsangan kepada pelajar-pelajar tahun 6 sekolah tersebut yang bakal menduduki peperiksaan UPSR tahun ini. Aktiviti yang dijalankan adalah lebih bercorak ilmiah dimana setiap aktiviti yang dibuat bertujuan memberikan motivasi kepada pelajar seperti ceramah bertajuk "Menjana Kecemerlangan Diri" yang disampaikan oleh Pegawai Psikologi Cik Safinas Hanoum, serta latihan-latihan dalam kumpulan yang dibantu oleh 9 orang fasilitator daripada ahli-ahli PRS UUM. Antara LDK yang dijalankan adalah seperti LDK "Matlamat Hidup Saya" yang bertujuan membantu para pelajar menetapkan matlamat hidup mereka dan LDK "Karangan Saya" yang membolehkan para pelajar mengolah minda mereka menjadi lebih kreatif dalam belajar dan lain-lain lagi. Justeru itu, adalah diharapkan agar program ini dapat member motivasi kepada para pelajar untuk mencapai kejayaan dalam peperiksaan UPSR mereka dan menuai kejayaan pada masa akan datang.